

Partneriaeth Diogelwch Cymunedol - Gwynedd a Môn

Beth ydyw?

Grŵp o sefydliadau sy'n cydweithio i ystyried sut y gallwn fynd i'r afael â throstedd ac anhrefn yw'r Bartneriaeth Diogelwch Cymunedol. Ymgorfforir y gofyn i gael partneriaeth o'r fath yn ei lle ar lefel leol yn y gyfraith, o fewn Deddf Trosedd ac Anhrefn 1998. Mae gan nifer o sefydliadau ran i'w chwarae o fewn y bartneriaeth, gan gynnwys yr Awdurdod Lleol, yr Heddlu, gwasanaethau Prawf, y gwasanaeth Tân ac Achub a'r Bwrdd Iechyd.

Mae gennym gyfrifoldebau dan Ddeddf 1998 dros nifer o feysydd, gan gynnwys - lleihau trosedd ac anhrefn, lleihau aildroseddu, camddefnyddio sylweddau ac ymddygiad gwrthgymdeithasol. Yn ogystal, mae dyletswydd arnom i gomisiynu adolygiadau Lladdiad Domestig mewn rhai amgylchiadau penodol. Hefyd, mae dyletswydd arnom i baratoi asesiad blynyddol o drosedd ac anhrefn, er mwyn ein harwain o ran yr hyn sydd angen ei flaenoriaethu.

Beth mae'n ei wneud?

Ers iddi gael ei sefydlu dros 20 mlynedd yn ôl, mae'r bartneriaeth wedi wynebu sawl newid. Yn y lle cyntaf, cefnogwyd y gwaith drwy nifer o grantiau lleol a chydlynwyr ymroddedig. Fodd bynnag, nid oes gennym grantiau lleol heddiw ac mae adnoddau pwrpasol wedi lleihau'n aruthrol. Felly, rydym wedi ymaddasu i'r tirlun newydd sy'n golygu gweithio i raddau helaeth gyda phartneriaid ar draws gogledd Cymru, i sicrhau cyfleoedd ac adnoddau i weithredu newid yn lleol.

Ers 1998, mae llawer o'r gwaith wedi bod yn ymwneud â phrif ffrydio diogelwch cymunedol i waith bob dydd yr holl bartneriaid. Mae hyn wedi arwain at weld newidiadau helaeth gan fod gwasanaethau bellach yn cynllunio ac ymgorffori anghenion pobl bregus a dioddefwyr yn eu gwaith bob dydd. Mae hyfforddiant ar nifer o faterion yn ymwneud â throstedd ac anhrefn yn cael ei gymhwyso fel mater o drefn, ac mae asiantaethau yn cydweithio bob dydd.

Heddiw, rydym yn cynnal datblygiadau'r 20 mlynedd diwethaf, sydd wedi gweld lleihad mewn rhai mathau o droseddau, ond hefyd yn cynnal

ymwybyddiaeth o droseddau newydd sydd angen sylw arbenigol. Ar ôl sefydlu cysylltiadau gweithio a rhwydweithiau ar draws rhanbarth gogledd Cymru, rydym mewn sefyllfa well i ymateb i'r heriau newydd yma.

Yn lleol, rydym yn dal i gynnal ein grwpiau gweithio ar y cyd ac yn chwilio'n gyson am ffyrdd i wella sut ydym yn cydweithio i fynd i'r afael â'n meysydd cyfrifoldeb. Isod, byddwn yn dangos pa strwythurau sydd gennym yn eu lle i symud ein gwaith ymlaen a hefyd pa feysydd penodol fydd yn cael ein sylw dros y 12 mis nesaf.

Strwythurau diogelwch cymunedol -

Rhanbarth Gogledd Cymru -

Mae gennym sawl Bwrdd yng ngogledd Cymru sy'n dod â'r partneriaid angenrheidiol ynghyd i drafod amrywiol agweddau o Ddiogelwch Cymunedol, mae'r rhain yn cynnwys -

- Troseddau difrifol a chyfundrefnol
- Diogelu (pobl fregus) gan gynnwys radicaleiddio
- Caethwasiaeth fodern
- Cam-drin domestig a thrais rhywiol
- Camddefnyddio sylweddau (cyffuriau ac alcohol)
- Bwrdd Cyfiawnder Troseddol
- Rheoli troseddwy

Nid yw hon yn rhestr gyflawn ond mae'n dangos faint o waith a wneir i ddatblygu cynlluniau strategol, i gyfarwyddo ac, o bryd i'w gilydd, i gomisiynu gwasanaethau sy'n diwallu anghenion pob sir yng ngogledd Cymru. Adolygir y Byrddau'n gyson er mwyn sicrhau effeithiolrwydd ac osgoi dyblygu ymdrechion. Cynhelir adolygiad helaeth dros y misoedd nesaf i sicrhau ein bod yn gwneud y gorau o'r adnoddau sydd gennym drwy leihau nifer y Byrddau a chyfarfodydd.

Gwynedd ac Ynys Môn -

Ceir nifer o grwpiau lleol ar draws Gwynedd a Môn sy'n rhoi'r gweledigaethau strategol hyn ar waith. Bydd partneriaeth Diogelwch Cymunedol Gwynedd yn **goruchwyllo'r** ffrydiau gwaith hyn yn lleol, ond bydd hefyd yn edrych yn fanwl ar sut a lle mae angen gwella anghenion arferion gweithredol.

Dros y 12 mis nesaf, byddwn yn edrych ar y meysydd gwaith a ganlyn -

- Ein rhaglenni hyfforddi - i sicrhau bod gennym weithlu gwybodus a galluog
- Ein rhaglen codi ymwybyddiaeth - deall y bylchau a'r anghenion
- Sicrhau ein bod yn datblygu ein arferion gweithio er mwyn diwallu galwadau newydd, megis Llinellau Cyffuriau (gangiau cyffuriau cyfundrefnol)
- Deall beth mae'r asesiad strategol blynyddol a phroffiliau/dadansoddiadau eraill a gwblhawyd yn dweud wrthym o ran yr hyn sydd angen i ni ei wneud
- Ystyried y cysylltiadau a'r arferion gweithio lleol, a gwella cyfathrebu a strwythurau lle bydd angen
- Bod yn rhan o adolygiad rhanbarthol a chenedlaethol o lywodraethu a strwythurau ar gyfer Diogelwch Cymunedol
- Peilota prosiectau newydd a monitro'r deilliannau

Yr asesiad strategol -

Mae'r asesiad sydd newydd ei gwblhau ar gyfer Gogledd Cymru yn dweud wrthym bod angen blaenoriaethu'r meysydd isod. Gan fod yr asesiad yn seiliedig ar lefel y risg a gallu gwasanaethau i ymateb, nid yw pob math o drosedd yn flaenoriaeth ar hyn o bryd. Deallir rhai mathau o drosedd yn dda ac mae ymateb y sefydliadau angenrheidiol yn briodol ac wedi'i hen sefydlu. Nid yw hyn yn golygu nad ydym yn ymdrin ag unrhyw fater a gyfyd, ond gall olygu nad oes angen i ni roi sylw penodol i'r meysydd hyn fel partneriaeth.

- Cam-drin Domestig a Thrais Rhywiol
- Camddefnyddio Sylweddau a'r holl droseddau sydd ynghlwm â hynny, megis Llinellau Cyffuriau a cham-fanteisio
- Dioddefwyr sy'n fregus
- Lleihau aildroseddu
- Ymddygiad gwrthgymdeithasol
- Troseddau Meddiangar Difrifol (SAC) gan gynnwys troseddau cyfundrefnol

Cynllun Gwaith ar gyfer y 12 mis nesaf -

EIN RHAGLEN HYFFORDDI				
Beth sydd angen ei wneud eleni	1	<ul style="list-style-type: none">• Mae Awdurdodau Lleol Ynys Môn a Gwynedd yn datblygu gwybodaeth newydd a phriodol yng nghyswllt materion diogelu ar gyfer holl staff yr Awdurdod	<ul style="list-style-type: none">• Mae gan y ddau ALL wybodaeth codi ymwybyddiaeth mewn perthynas â dyletswyddau diogelu oedolion a phlant, a phhecynnau dysgu ychwanegol mewn perthynas â chaethwasiaeth fodern / Atal / cam-drin domestig a rhywiol	G

	2	<ul style="list-style-type: none"> Mae angen i'r ddau Awdurdod Lleol, y Gwasanaeth Tân a'r Bwrdd Iechyd ddechrau gweithredu lefel Gofyn a Gweithredu y Fframwaith Hyfforddi Cenedlaethol ar Gamdriniaeth Domestig, ynghyd â pharhau â hyfforddiant ymwybyddiaeth lefel 1 	<ul style="list-style-type: none"> Mae Gwynedd wedi datblygu a threialu pecyn hyfforddi rhithiol pwrpasol ar gyfer Gofyn a Gweithredu. Mae Ynys Môn yn y broses o ymgymryd â'r un peth. Yn absenoldeb gallu ymgymryd â'r pecyn hyfforddi wyneb yn wyneb statudol, mae hyn yn galluogi cyflwyno'r hyfforddiant yn y ddau awdurdod lleol. Mae'r Gwasanaeth Tân a'r Bwrdd Iechyd ar y trywydd iawn wrth gyflawni eu fframwaith hyfforddi VAWDASV. 	G
	3	<ul style="list-style-type: none"> Mae angen i bartneriaid adolygu eu hyfforddiant PREVENT (radicaleiddio) i sicrhau bod y staff perthnasol yn derbyn y rhaglen ymwybyddiaeth gofynnol 	<ul style="list-style-type: none"> Cynllun teir-ran wedi'i ddiweddarau ar sail y CTLP. Bydd gwaith i ddatblygu'n ymhellach yn parhau yn gynllun blwyddyn nesaf. 	G
EIN RHAGLEN CODI YMWBDDIAETH				
Beth sydd angen ei wneud eleni	4	<ul style="list-style-type: none"> Bydd yr Heddlu yn darparu sesiynau ymwybyddiaeth ychwanegol ar gyfer Aelodau Lleol yng Ngwynedd, ynghylch materion Llinellau Cyffuriau 	<ul style="list-style-type: none"> Cynhaliwyd sesiynau yn rithiol ar y 13eg o Ionawr. 	G
	5	<ul style="list-style-type: none"> Mae'r Bartneriaeth wedi datblygu ymgyrch ymwybyddiaeth, yng nghyswllt Cocên, a fydd yn cael ei chyflwyno ledled Gogledd Cymru 	<ul style="list-style-type: none"> Gwybodaeth (posteri newydd) wedi ei rhaedru ar draws y partneriaid yn rhanbarthol 	G
	6	<ul style="list-style-type: none"> O ganlyniad i'r datblygiad hwn, mae Llywodraeth Cymru hefyd yn buddsoddi mewn ymgyrch ymwybyddiaeth benodol dros y misoedd nesa 	<ul style="list-style-type: none"> Llywodraeth Cymru yn oedi ar y datblygiad yma, posib tan y flwyddyn ariannol newydd –wrth fod yr argyfwng C19 wedi newid blaenoriaethau (yn y cyfamser mae ein posterï ymwybyddiaeth cocên lleol wedi'u 	C

			<p>rhannu â ‘pub-watch’ trwy drwyddedu)</p> <ul style="list-style-type: none"> • Ystyrir defnyddio’r posteri lleol ar faniau arddangos yn y dyfodol. 	
SICRHAU EIN BOD YN DATBLYGU EIN ARFERION GWEITHIO ER MWYN DIWALLU GALWADAU NEWYDD				
Beth sydd angen ei wneud eleni	7	<ul style="list-style-type: none"> • Bydd yr Heddlu nid yn unig yn parhau â’r uned troseddau seiber, ond bydd yn datblygu ei chwasiti. Nod hyn fydd mynd i’r afael â’r broblem gynyddol o dwyll Seiber 	<ul style="list-style-type: none"> • Mae Heddlu Gogledd Cymru wedi buddsoddi’n ychwanegol yn y Tîm Seiberdrosedd gan benodi swyddog Amddiffyn ac Atal pwrpasol bellach ar waith ochr yn ochr â thri Ymchwilydd ymroddedig a Ditectif Sarjant 	G
	8	<ul style="list-style-type: none"> • Bydd y bartneriaeth yn comisiynu data ychwanegol ynghylch natur a graddau troseddau seiber yn lleol - ac yn ymateb gyda gweithgareddau ychwanegol i godi ymwybyddiaeth os bydd angen 	<ul style="list-style-type: none"> • Bydd y swyddog Atal / Amddiffyn yn darparu ffofws rhanbarthol ar amddiffyn pobl rhag dod yn ddioddefwyr Troseddau Seiber ac rhag atal pobl rhag dod yn droseddwyr Seiberdrosedd. (Ni ddangosodd y data unrhyw faterion penodol heblaw defnyddio’r cyfryngau cymdeithasol i aflonyddu - ymwybyddiaeth eisoes ar waith 	G
	9	<ul style="list-style-type: none"> • Mae gwasanaethau plant Ynys Môn yn edrych ar y strwythurau yn ymwneud â darparu cyfweiliadau i blant sydd wedi dychwelyd ar ôl bod ar goll. Y nod yw sicrhau bod materion diogelu yn cael eu hadnabod a’u trin – bydd unrhyw ddysgu yn cael ei rannu gyda Gwynedd 	<ul style="list-style-type: none"> • Rydym yn derbyn y gallai’r perfformiad wrth adrodd ar RHI’s gael ei wella’n sylweddol ac mae gennym gynlluniau ar waith i hyn ddigwydd. Mae’r newid yn y broses fel a ganlyn; RHI - <i>return home interviews</i> <p>1. Bydd yr atgyfeiriad coll o’r cartref ar achosion agored a newydd yn cael ei nodi gan Teulu Môn a’i anfon ymlaen at</p>	G


			<p>rheolwr gweithredu , Gweithwyr Cymdeithasol ac y gweithwyr perthnasoedd iach. Yn y gorffennol, nid yw'r gweithwyr perthnasoedd iach wedi cael gwybod eu bod ar goll o atgyfeiriadau cartref ar achosion agored.</p> <ol style="list-style-type: none"> 2. Bydd y gweithwyr perthnasoedd iach yn gyfrifol am fonitro'r cynnydd ar bob cyfweliad dychwelyd adref. 3. Bydd pob pennod a chyfweliad coll yn cael eu mewngofnodi mewn cronfa ddata. 4. Bydd y ffurflen gyfweliad dychwelyd adref newydd ar WCCIS yn ei gwneud yn haws adrodd. <p>Mae'n anochel y bydd y diffiniad newydd o benodau coll (AWCP) yn arwain at gynnwys mwy o RHI. Fodd bynnag, nid ydym yn rhagweld cynnydd sylweddol yn y galw gan ein bod eisoes yn defnyddio hyblygrwydd o fewn y diffiniad cyfredol.</p> <p>Rydym yn symud i ffwrdd o ddefnyddio'r SERAF ac wedi mabwysiadu'r ffurflen camfanteisio ar blant i asesu risg. Bydd y ffurflen yn cael ei gwblhau ar ddiwedd asesiadau neu yn ystod cyfarfod strategaeth amlasiantaethol. Rydyn ni wedi cael MASM's yn ddiweddar gyda thîm ONYX drwy ddefnydd Teams.</p>	
--	--	--	--	--

	10	<ul style="list-style-type: none"> Mae buddsoddiad ychwanegol yn cael ei roi i ddarpariaeth Camddefnyddio Sylweddau haen 2 yn y ddwy sir - golyga hyn y gellir cynyddu cefnogaeth allgymorth (wedi'i thargedu) ar gyfer pobl sydd â materion yn ymwneud â chamddefnyddio sylweddau yn y ddwy sir. Y nod yw cyrraedd pobl na fyddai'n chwilio am help gyda'u problemau fel arall 	<ul style="list-style-type: none"> Mae'r manylder i'w weld is lawr o dan ddatblygiadau camddefnyddio sylweddau 	G
	11	<ul style="list-style-type: none"> Mae cryn dipyn o waith wedi'i wneud yn barod wrth adnabod y materion lleol yn ymwneud â Llinellau Cyffuriau. Mae proffiliau ac asesiadau anghenion wedi'u paratoi a dros y misoedd nesaf bydd gweithdai'n cael eu cynnal i weld sut ellir ymgorffori'r rhain mewn cynlluniau gweithredu lleol. Y nod yw gweithio gyda'n gilydd er mwyn targedu ardaloedd lle mae'r mwyaf o angen, a lle gellir cael yr effaith fwyaf 	<ul style="list-style-type: none"> Mae gwaith yn mynd ymlaen i ailsefydlu'r grŵp hwn a bydd wedi'i gwblhau yn y flwyddyn ariannol newydd. Mae'r heddlu'n arwain ar raglen waith i sicrhau bod hyn yn digwydd. 	G
YSTYRIED Y CYSYLLTIADAU A'R ARFERION GWEITHIO LLEOL, A GWELLA CYFATHREBU A STRWYTHURAU LLE BYDD ANGEN				
Beth sydd angen ei wneud eleni	12	<ul style="list-style-type: none"> Bydd Safonau Masnach a'r Heddlu yn lleol yn trafod ac yn gweithredu dulliau i rannu data gwybodaeth yn fwy effeithiol. Nod hyn fydd sicrhau erlyniadau effeithiol 	<ul style="list-style-type: none"> Oedi ar hyn, oherwydd fod adnoddau wedi symud i waith Covid 	C
	13	<ul style="list-style-type: none"> Bydd yr Awdurdodau Lleol a'r Heddlu yn adolygu gorchmynion diogelu mannau agored cyhoeddus presennol. Nod hyn fydd sicrhau bod yr hyn sydd yn ei le ar gyfer y dyfodol yn adlewyrchu'r angen gwirionedd ac yn ystyried yr adnoddau sydd ar gael 	<ul style="list-style-type: none"> Mae'r trafodaethau rhwng y ddau Gyngor a'r heddlu wedi cymryd lle, ac fe fydd y orchmynion yn dod i ben Hydref 2020(tair mlynedd drosodd) 	G
	14	<ul style="list-style-type: none"> Bydd adran dai Môn a'r Gwasanaeth Cyfiawnder Ieuenctid yn edrych ar sut ellir gwella strwythurau, cydweithio ar adnabod 	<ul style="list-style-type: none"> Er na fu unrhyw ddilyniant gyda sefydlu grŵp ffurfiol rhwng Tai a Chyfiawnder 	G

		ac ymyrryd yn gynnar gyda phobl ifanc sy'n ymddwyn yn wrthgymdeithasol mewn ardaloedd penodol. Y nod yw ymgysylltu â phobl ifanc yn gynnar a lleihau'r siawns i'r ymddygiad waethygu	leuenctid, bydd y grwpiau canlynol yn cynnwys pobl ifanc sydd angen ymyrraeth: -Cyfarfod misol datrys problemau partneriaeth - rhwng y Cyngor a Heddlu Gogledd, mae gwasanaeth cyfiawnder ieuenctid yn mynychu hwn - Canolbwynt cymorth cynnar - dull amlasiantaethol o gefnogi teuluoedd, gan gynnwys pobl ifanc -CAP Wythnosol - fforwm ASB rhwng Heddlu Gogledd Cymru a landlordiaid cymdeithasol Ynys Môn - mae'r cyfarfod hwn yn trafod pobl ifanc	
15	<ul style="list-style-type: none"> Bydd y grŵp VARM (Breguster a Rheoli Risg) yn cael ei gyflwyno yng Ngwynedd. Grŵp amlasiantaethol yw hwn sy'n ceisio dod o hyd i ddatrysiadau i faterion ar gyfer unigolion nad ydynt o fewn ffiniau diogelu arferol, ond sydd dal i fod angen gwasanaeth. Y nod yw dod o hyd i ddatrysiad a fydd yn gwella'r sefyllfa i'r unigolyn a lleihau'r angen am ymyrraeth i'r gwasanaethau 	<ul style="list-style-type: none"> Mae gwaith yn mynd ymlaen i ailsefydlu'r grŵp i ymgymryd â gwaith a arferai fod yn grwpiau VARM, a bydd wedi'i gwblhau yn y flwyddyn ariannol newydd. Mae'r heddlu'n arwain ar raglen waith i sicrhau fod hyn yn digwydd. 	G	
16	<ul style="list-style-type: none"> Yn rhanbarthol, rydym yn gweithio ar y cyd ar adolygiad o'n strwythurau MARAC, grŵp amlasiantaethol sy'n cynllunio ar gyfer diogelwch dioddefwyr camdriniaeth domestig risg uchel. Y nod yw datblygu strwythur a fydd yn gweithio ar gyfer y dyfodol yn nhermau pa mor effeithiol ydyw a rheoli'r galw 	<ul style="list-style-type: none"> Y gwaith datblygu wedi cychwyn yn ôl Mis Medi, ond mae ymateb i'r sefyllfa C19 wedi arwain i strwythur MARAC wythnosol, er mwyn sicrhau yr ymateb gorau ar gyfer y dioddefwyr. 	M	
17	<ul style="list-style-type: none"> Mae gwasanaethau camddefnyddio sylweddau yn ei chael 	<ul style="list-style-type: none"> Mae'r gwaith yma ar saib ar hyn o bryd. 	M	

		hi'n anodd adnabod adeiladau priodol ac sydd ar gael ym Mangor, lle gallant ddarparu eu gwasanaethau. Mae partneriaeth yn gweithio ar y cyd i adnabod unrhyw gyfle i ddatblygu'r lle sydd ar gael yn yr ardal hon ar y cyd	Oherwydd y Pandemig, mae sefyllfa Gwasanaethau wedi newid o ran eu anghenion gofod. Bydd unrhyw gyfleoedd datblygu yn cael eu cynnwys ym mhlan blwyddyn nesaf.	
	18	<ul style="list-style-type: none"> Cynnal adolygiad amserol o'r gwasanaeth camddefnyddio sylweddau i bobl ifanc, 'Be di'r Sgôr', i sicrhau bod llwybrau cyfeirio yn effeithiol 	<ul style="list-style-type: none"> Adolygiad ar waith, ddim eto wedi cwblhau. Mae'r gwaith hyd yn hyn wedi tynnu sylw at yr angen o Weithiwr Iechyd Meddwl i'r gwasanaeth. Trafodaethau yn parhau ac byddant yn cael eu cynnwys ym mhlan blwyddyn nesaf. 	M
	19	<ul style="list-style-type: none"> Bydd gwasanaeth allgymorth haen 2 newydd ar gyfer camddefnyddio sylweddau yn cael ei roi ar waith ledled Gogledd Cymru, byddwn yn sicrhau bod yr adnodd hwn wedi'i fodolu'n lleol mewn modd sy'n ategu gwasanaethau sy'n bodoli eisoes, ac mae llwybrau priodol ar waith ar gyfer targedu yn effeithiol 	<ul style="list-style-type: none"> Gwasanaeth ymestyn allan newydd wedi ei sefydlu – gyda 5 swydd newydd. Mae'r Gwasanaeth yn datblygu'n dda ac yn sefydlu cysylltiadau â gwasanaethau lleol. 	G
BOD YN RHAN O ADOLYGIAD RHANBARTHOL O LYWODRAETHU A STRWYTHURAU AR GYFER DIOGELWCH CYMUNEDOL				
Beth sydd angen ei wneud eleni	20	<ul style="list-style-type: none"> Bydd y Byrddau Strategol presennol ledled Gogledd Cymru yn cael eu rhesymoli, a bydd y bartneriaeth leol yn sicrhau ein bod yn hysbysu'r broses o safbwynt lleol. Y nod - strwythur llywodraethu mwy effeithlon ac effeithiol 	<ul style="list-style-type: none"> Mae'r gwaith hwn wedi symud ymlaen yn gynharach na'r amserlen oedi a awgrymwyd, sef mis Medi - mae'r strwythurau bellach wedi'u sefydlu. Mae cylch gorchwyl ac aelodaeth pob un o'r bwrdd newydd yn cael ei gwblhau ar hyn o bryd 	G
	21	<ul style="list-style-type: none"> Mae Llywodraeth Cymru yn parhau gydag adolygiad o 	<ul style="list-style-type: none"> Datganiad wedi ei dderbyn Mis Mehefin, y 	G

		faterion Diogelwch Cymunedol - byddwn yn ymateb fel sydd angen ar lefel leol	bydd Arian ar gyfer Rhwydwaith Diogelwch Cymunedol Cymru ar gyfer sefydlu y strwythur newydd yn y flwyddyn ariannol nesa. Rhaglen gyfredol yn dod i ben felly – tasgau wedi ei cyflawni	
	22	<ul style="list-style-type: none"> Bydd y bartneriaeth yn adrodd i'r strwythurau llywodraethu gofynnol - yn cynnwys, am y tro cyntaf, y Bwrdd Gwasanaethau Cyhoeddus 	<ul style="list-style-type: none"> Adroddiad wedi rhannu gyda BGC yn Mis Medi 	G
	23	<ul style="list-style-type: none"> Fel Partneriaeth, rydym yn parhau i ymgymryd â'n dyletswydd yng nghyswllt cynnal adolygiadau o laddiadau domestig. Rydym yn dechrau'r flwyddyn strategol newydd hon gyda dau adolygiad ar y gweill. Y nod yw dysgu o ddigwyddiadau o'r fath, a gwella'r ddarpariaeth lle bo hynny'n bosib 	<ul style="list-style-type: none"> Mae DHR 2 wedi mynd i'r Swyddfa Gartref yng Ngorffennaf. DHR 4 - dwy gyfarfod panel wedi cymryd lle, ac mae'r IMRs wedi'i cwblhau. 	G
PEILOTA PROSIECTAU NEWYDD				
Beth sydd angen ei wneud eleni	24	<ul style="list-style-type: none"> Bydd trafodaethau'n parhau gyda phartneriaid perthnasol i sefydlu a ellir sefydlu bugeiliaid stryd yng Nghaernarfon 	<ul style="list-style-type: none"> Oedi oherwydd C19 	C
	25	<ul style="list-style-type: none"> Bydd prosiect peilot yn digwydd yng Nghaergybi yn seiliedig ar ddiogelu cyd-destunol. Nod hyn fydd i'r gymuned chwarae ei rhan wrth ddiogelu pobl ifanc a allai fod mewn perygl o niwed neu droseddu 	<ul style="list-style-type: none"> Oherwydd heriau Covid, nid yw'r Peilot wedi'i roi ar waith, byddan yn parhau i archwilio hyn yng nghynllun y flwyddyn nesaf. 	M
	26	<ul style="list-style-type: none"> Bydd gwaith yn digwydd eleni i archwilio'r posibilrwydd o fenter beilot ynghylch Cyn filwyr a pherthnasau iach. Y nod yw adnabod unrhyw faterion penodol sy'n berthnasol i gyn 	<ul style="list-style-type: none"> Roedd yr datblygiad hwn wedi cael ei ohirio oherwydd Covid, ond yn y cyfamser - mae ein partneriaid yn y fenter wedi rhannu 	G

		filwyr, lle gallai fod angen ymyraethau wedi'u teilwra	<p>darpariaeth RELATE penodol i gyn-filwyr gyda holl swyddogion cyswllt y lluoedd arfog ledled Cymru a rhanddeiliaid priodol eraill, gan geisio gwella atgyfeirio rhwng y ddau sector. Yn dilyn ymgyrch cenedlaethol ynglŷn a trais yn y cartref o fewn y gymuned lluoedd arfog, rhannwyd y ddogfen yma i ddarparwyr gwasanaeth ledled y rhanbarth.</p> <p> DVA in military families.pdf</p> <p>Felly, cyflawnwyd yr item hon er mewn model gwahanol.</p>	
27	<ul style="list-style-type: none"> Bydd Awdurdod Lleol Môn yn peilota ap 'cadw'n ddiogel' newydd ar gyfer plant/rhieni drwy'r ysgolion ac yn rhannu gwersi ar y diwedd 	<ul style="list-style-type: none"> Mae'r ap cadw'n ddiogel wedi'i gyflwyno gan y datblygwyr i swyddogion addysg a chynrychiolwyr o ysgolion uwchradd yn Ynys Môn. Bydd y defnydd o'r ap yn cael ei hyrwyddo ym mhob ysgol 	G	
28	<ul style="list-style-type: none"> Bydd prosiect peilot o dri mis yn cael ei redeg gan Crimestoppers yn ne Gwynedd. Gan weithio law yn llaw â'r Cynghorwyr Lleol a'r cymunedau, y nod yw cynyddu hyder y cymunedau i adrodd am droseddau'n ddienw, heb gyswllt uniongyrchol gyda'r Heddlu 	<ul style="list-style-type: none"> Crimestoppers wedi oedi ar yr ymgyrch yma ym mis Mawrth oherwydd yr argyfwng Covid 19. 	C	

Monitro -

Bydd y Bartneriaeth yn derbyn diweddariadau chwarterol ynghylch sut mae troseddau a digwyddiadau yn digwydd yng Ngwynedd a Môn. Bydd yr adroddiad dadansoddol yn egluro unrhyw anghysondebau ac yn adrodd am unrhyw ffactorau ychwanegol sydd angen sylw.

Yn ogystal, bydd y cynllun gwaith yn cael ei fonitro ac adroddir ar hynny.